



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. IV. De Compositione, & judicis auctoritate excusantibus a restituendo.

**urn:nbn:de:hbz:466:1-40673**

Quæ opinio non fuisset damnata ut scandalosa, si vera eset opinio adducta Joannis Sancii, quod possit tu spoliare Petrum re, quam possidet ob solam probabilitatem, quod ea tibi debeat.

Adde, quod tenuis probabilitas non satis est ad licite operandum, ex propos. 3. damnata ab Innoc. XI. Atqui in opinione Joannis Sancii daretur solum tenuis probabilitas; ergo non subsistit. Probatur minor, quia probabilitas probabilitatis est tenuis probabilitas; in ea autem sententia daretur solum probabilitas probabilitatis; nam probabile est, quod possit fieri compensatio, quando probabile est, quod res, quam Petrus possidet, sit tua; ergo ex probabilitate, quod sit tua, oriaretur probabilitas compensationis; Unde haberetur probabilitas probabilitatis, & sic tenuis probabilitas, quod non accidit in casu, quo quis non jejunet ex probabili opinione, quod non teneatur jejunare; Certum enim est in tali casu, quod non teneatur.

## ARTICULUS IV.

De Compositione, & Judicis  
auctoritate excusantibus  
a restituendo.

I. Liberat a restituzione debitorem compositio, quæ fiat a Pontifice, vel ab Episcopo in propria Diœcesi pro debitis dumtaxat incertis. Et probabiliter si deinde dominus compareat, nihil ei debetur.

II. Quid requiratur, ut possit Pontifex pro debitis certis compensationem, aut dispensationem concedere? Sic ut potest Pontifex in pœnam privare rerum bonis temporalibus, ita potest deobligare debitorem a restituzione facienda alicui criminoso.

III. Multipliciter potest Iudex eximere debitorem ab onere restituendi, pra-

sertim in pœnam delicti a credito, re paratu; Vel si ex equitate aliquid alicui adjudicet, quod ex rigore justitiae illi non debetur.

I. Quæritur primo, Utrum compositio a Prælato obtenta libera restituzione debitorem?

Respondeo, procul dubio excusare compositionem obtentam a Pontifice, si tamen dominus rei alienæ ignoretur; videtur enim Pontifex in tali causa habere causam disponendi de rebus alienis; cum enim debita incerta ex jure tantum positivo restitui debeant pauperibus, & Pontifex possit in jure tantum positivo dispensare, potest pariter super istis debitis compositionem permittere; itaut qui, verbi gratia, debet centum aureos creditoribus incertis, solvat tantum vi-ginti pro fabrica Divi Petri, aut aliis pauperibus, & sic liber maneat tota-liter a debito, ut diximus quæst. 3. art. 6.; Ubi ostendimus, quod si post compositionem compareat dominus, probabile sit rem illam non esse restituendam, cum compositio aequiva-leat præscriptioni, & restitutioni: Ostendimus etiam, compositionem pro-babiliter posse etiam ab Episcopo fie-ri pro sua Diœcesi.

II. Addimus nunc, quod si credi-tores sint certi, & cogniti, Pontifex non possit liberare a restituzione debitorem, nisi tamen gravis causa sub-sit; quia non potest Pontifex, aut Princeps absque justa causa donare bona unius alteri, cum non sit domi-nus bonorum subditorum, sed tantum defensor juris illorum, & judex, vin-dicque criminum: Si tamen causa ju-sta subsit, faciens ad spirituale regi-men, potest dispensatio Pontificis a restituzione eximere debitorem, cum habeat Pontifex potestatem indire etiam in bona temporalia subditorum; qua-tenus scilicet ad bonum illorum spiri-tua-

tuale conducunt; Unde sicut potest pro criminibus mulctas pecuniarias imponere, ita potest condonare restitutions criminosis faciendas, ut notat Less. cap. 16. num. 81. Si enim potest Pontifex in pœnam alicujus criminis, puta hæresis, privare reum domino rerum suarum, & eas addicere fisco; Si potest aliquando eximere subditos ab obligatione serviendi, obediendi, solvendi tributa, & ab aliis vinculis etiam jurejurando confirmatis, quare non potest pariter debitores eximere ab obligatione restituendi, cum hoc sit multo minus, quam illud?

III. Quæritur secundo, Quandonam Juris, aut Judicis auctoritas excusat debitorem a restitutione?

Respondeo cum Less. hic excusare, Primo, quando res debita legitimo modo est præscripta, ut dicemus art. sequenti. Secundo, quando iudex in pœnam alicujus delicti per sententiam imponit hanc mulctam, ne scilicet restituatur creditori, quod ei debetur. Verum in tali casu sententia debet niti veritate, & non falsa præsumptione delicti. Tertio, quando aliquis privatus est officio, beneficio, vel hereditate per sententiam juris ordine latam, tunc qui ea postea obtinet, non tenetur restituere, quamvis cognoscat condemnatum fuisse innocentem; dummodo non fuerit ipse causa talis iniusta condemnationis. Quarto demum, quando iudex ex æquitate adjudicat alicui aliquid, quod alias in rigore iustitiae ei non deberetur, qui hoc percepit, non tenetur restituere.

#### ARTICULUS V.

De Præscriptione, quatenus a restituendo excusat.

I. Præscriptio legitima etiam pro foro interno a restituendo deobligat; con-

- ceditur tamen locis piis, & minoribus restitutio in integrum.
- II. Lex præscriptionis non est instituta in pœnam negligentie creditoris, sed ad lites innumeras vitandas; Nec nascitur in falsa præsumptione culpa illius.
- III. Quinque sunt Præscriptionis conditiones, Possessio continua, Capacitas possidendi, Bona fides, Titulus probabiliter præsumptus, & lapsus temporis a lege definiti.
- IV. Ad præscriptionem requiriatur, & sufficit possessio civilis rei, quamvis sit sine naturale possessione.
- V. Prescribere non potest Laicus res Ecclesiasticas. Nec religiosus aliquid prescribere potest. Quid de pupillo?
- VI. Homo liber prescribi nequit. Nec res furtiva; At si bona fide hec ematur, vel accipiat, post annos triginta prescribi potest. Neque prescribi possunt res, que alienari non possunt, ut res Ecclesiastica, nisi spatio triginta annorum.
- VII. Si bona fide per annos triginta possideatur jus non solvendi debitum, prescribitur. Non prescribit tamen, qui dubia fide capi possidere, aut qui bonam fidem interrupit per malam fidem: Dubium tamen superveniens bonam fidem non interrupit.
- VIII. Num possint hæres, & legatarius prescribere, si bona fide habeant res, quas testatur, qui mala fide eas possidebat?
- IX. Num possit prodeesse ad prescribendum bona fides orta ex ignorantia juris clari, saltē post spatium triginta annorum?
- X. Ignorantia juris, qua non prodest ad prescribendam rem inalienabilem, prodest ad prescribendos fructus talis rei, relate ad quos ignorantia est patens facti.
- XI. Titulus probabiliter præsumptus non eodem modo requiriatur ad prescriben-